

Н О В И Н И

ЗА РУСНОХ У ЈУГОСЛАВИЈИ

„Руски Новини“ виходза кажди гідзень. — Предплата на рок 55 Дин.
Адреса: „Руски Новини“ Р. Керестур.
Число Чековног рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Людски глас у кирвавей бурі.

Причини терашней кирвавей бурі лежа далеко аж у 1919. року, кед бул у Версаю заключени мир. И тот мир диктовала теди мержня-ненависц, котра тераз його звалела. И цікаво, же человечество у своей исторії прешло телі катастрофи и нічого ше не науцело.

По прешлей шветовой войны сами францүзки и англійски политичаре мушели признац, же на концү не було побидникох и надвладаних, але же тота страшна война надвладала шицки держави и шицки народи. То була иста правда, бо од нас, цо зме тоту войну прежили, кажди зна, цо було по ней, — за милионами мертвих пришла загальна господарска криза, штрайки и безработносц, а вец газдовска криза.

И ледво помали человечество почало приходзиц гү себе од нашлідкох прешлей войны, а уж тү нова война, котра, кед вежнеме под увагү наймодернейше оружие, ма буц ище страшнейша. Крем того, як видзиеме зос морскей и сүхожедскей блокади, ма вона характер господарскей войны, котра не прейдзе по ей звершеню без нашлідкох за шветови господарски живот.

Та тераз, кед кирвава буря почала бешніц, зос Риму, зос святого престолу апостола Петра чуц людски глас, як и вше, кед швет ше находзел у велькей опасносци. Св. Оцц видал послание до священікох, у войску у каждей держави, у котрим их напомина, да не забуду свойо зване и свойо длужносци у тей войны и най робя и у войску то, цо робели пред тим: най глаша Христово Евангелие. Послание кратке, але ма воно свойо вельке значене. Цали швет зна, яке ест зване священікох. Проповидовац любов, правду и милосердие медзи людзми, взаємне поштоване и християнске одпушане увредох и кривдох, а не вимсцене, котре глаши терашня война.

Добре почуц тот глас Христового Намесника на жеми у тото време, кед человечество влапела заш ненависц и кед кажди народ себе дүма, же лем вон ма правду, а други не. Ми були шведкове, як прудискал еден народ другою у цалей Европи и як безбожни новини и кнїжки през дваецц роки проповидовали мержню медзи народами, подпальовали дзиви инстинкти у людзох, хвалели мержню, убойства и войну. Проци того зла ведла вше борбу Церква, але ей глас людзе мало слухали. И пришло искушене, же би людзе заш могли чуц глас Божий. И вон тү, його заш чуц.

Тоти, котри войну почали, гүторя, же не знаю, як ше вона зверши... Видзиеме, же людство стої пред тоту войну так, як тот човек, цо з прүциком виволал злого духа, а вец не може над нїм владац, зли дүх завладац над нїм.

Зос правом питаю ше людзе, чи ше найдзе людска сила, котра того злого духа войны може заш звладац?

Єдина надїя тераз у Бога, бо людзе неспособни сами зос собу владац.

И прето глас св. Отца зос Риму е каждому так мили и драги, бо кажди зна, же то глас Божий, же св. Оцц гүтори у мену Божиім и у мену шицкого християнскаго швета, у мену шицких добрих людзох.

Бо кед престане ненависц медзи народами, престане и война, а зос ню препадне и тото зло, цо вше по войны приходзи.

Война у Финскей пред Дружтвом Народох.

У Женеви на засиданю Дружтва Народох 11. децембра гварел фински делегат Голсти, же Финскей треба стварней помощи, а не лем слова, в котрима ше ю храбри. Вон виявел свою надїю, же народи не охабя Финску, да ше сама бори, але же шицки культурни народи активно Финскей поможу. Далей Голсти спомнул, як большевицки делегати скорей на засиданюх Дружтва Народох вше найострейше осудзовали тоти держави, котри на други нападали, а тераз вони ипак напали Финску. Глїбоко порушани гүторел Голсти далей, як тераз большевицке войско,

флота и авийони шею шмерц финскому народу. Цали фински народ стої верно при своей влади и даремно большевици основали якуш свою „демократичну“ владу. Фински народ не може ше охабени сам обранїц од модерного большевицкого оружия вос самима медзинародними одлуками. Фински народ бори ше за свой живот и за идеали других народох.

Голсти звершел зос словами: „Зробце свою длужносц! Фински народ свою длужносц кончи и вон ю плаци вос свою власну креву.“ („Време“, 12. дец.)

Чи Шведска войдзе до войны.

Такој по нападү большевикох на Финску перши сушед Финскей Шведска такој осетела, же и вона од большевикох угрожена. Англійски новини „Ню Кроникл“ приноша, же идуци днї буду за Шведску одлучни. Сумня ше, же шведска влада годна далей сперац жаданя свойого народа, да Шведска виступи проци большевикох. Швеци преш-

ведчени, же кед Финска будзе надвладана, вец придзе шор на нїх и прето вони тримаю Финску лем як першу линию обрани Шведскей, котру треба помагац. Англїдїски новини поволую Шведску и Норвежку, най пременя свою политику неутральносци и да ведно у исти час приду Финскей на помоц.

Буна у Западней України.

„Време“ од 12. дец. принесло тоту вистку: „У краю коло Дрогобича, две ест вельки жридла жридла и фабрики витрийолу у Западней України вибовкла бун проци большевицкого войска на знак проци недавно

заведеней большевицкей влади. Як ше приповеда, бунтовнїци напали большевицке войско и спричинели му утрати. Тверди ше, же вецей большевицких воякох и официрох привезено до шпиталю у Львовѣ.“

Пропаганда за обрану од воздушних нападох.

Пропаганда

Кажди человек, котри патри нормално а и сце видзиц, тому муши буц подполно ясно, же жиєме у барз чежких часох. Нешка, кед техника авийонох так нагло напредує, мушиме ше приготовиц и за прецизну одбрану од истих. Заштита од нападу будзе овишиц од добрей дзеки и знаня народа. Народ муши зошицким буц барз начисто. Конец войны вельо будзе овишиц од обставинох за фронтом. Мирнейше и хладнейше не престашено, тим ше войско на фронту мирнейше будзе бориц, бо будзе знац, же назадку маю шицко и добре су охранили. У нешкайших войнох неприятель будзе за фронтом барз вельо нападац и завадзац у роботы. Повторюєм, же народ муши буц барз добре приготовени за одбрану. Мобилизация муши буц нешка готова за найкратше време. Тераз не давно сце видзели, же вечар людзе достали цидулки, а рано уж мушели буц на месце. Но то була лем проба.

Заштита може буц поединочна и загальна. На першим месце кажде будзе мушиц набавиц себе маску хлопи, жени, дзеци. (У свойо време шицко ше будзе явц на плакатах у новинох и на други особи) Загальна заштита: будзе ше правиц ярки, одредзовац обисца, пивнїци канали и тунели, и шицки други места за заштиту валушни.

Муша ше организовац екипи од младежи. У першим шоре на вас ше поволує родителє, котри маце вецей дзеци, у другим шоре на вас вождове народа, далей на вас могутнейши людзе и милосердни жени. Ви шицки барз вельо можеце помочи. Наша работа е барз, а барз велька и чежка. За ню треба и жертвовац барз вельо. (У Англї тих днїох жертвовал еден богач преко 12 милийони за державу. У Францүзкей кажди час ше чує за таких пожертвованих людзох, а да анї нецу, да ше зна хто су. То видзице велька и щира жертва за отечество).

Велї а велї дүмаю, а так и гүторя, ша маме кеди, док придзе война, не мушиме ми буц перши. Не патїме ми на нікого, але робме, як да зме уж остатнї. Не слухайме ми на нікого, цо гүторя проци тей работы, бо то могу буц и агенти, шпїюни. Их интерес да народ спредваю. Но кед ше у време войны такого влапи, барз добре знаце цо их чека (штранджок на першим древе). Барз, а барз меркуйце за време войны, а и тераз на свойо язики бо нас вони могу однесц до цемнїци, а знам, же ше нікто не жада там достац. Вецей робиц, а меней приповедац, особито таке, цо ніч по нїм, а держави може буц на чкоду.

(Далей будзе)
Михал Няради, уч.



Атентатор на Гитлера у Минхену, Елзер.

